



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-2334-23/26 – JH/SA

Tuzla, 01.07.2026. godine

Na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 12. Statuta Zavoda zdravstvenog osiguranja Tuzlanskog kantona ("Službene novine TK" broj: 04/16) i Preporuke Komisije za provođenje postupka ugovaranja zdravstvene zaštite za 2026. godinu, donosi se

O D L U K A
o izboru ponuđača
u postupku nabavke usluga produžene medicinske rehabilitacije za 2026. godinu

I

Cijeneći Preporuku Komisije za provođenje postupka ugovaranja zdravstvene zaštite, za nabavku produžene medicinske rehabilitacije za 2026. godinu biraju se ponuđači kako slijedi:

- JZU Centar za fizikalnu medicinu, rehabilitaciju i banjsko liječenje „Iliđa“ Gradačac i
- Zdravstvena ustanova Lječilište „Banja Terme Iliđa“ Sarajevo.

II

Cijena postignuta u postupku kao najniža po kojoj će se vršiti realizacija okvirnog sporazuma iznosi 127,79 KM po BO danu.

Finansiranje će se vršiti na osnovu Modela 3 iz člana 12. stav (1) tačka c) Odluke o utvrđivanju osnova, kriterija i mjerila za zaključivanje okvirnog sporazuma o pružanju zdravstvene zaštite iz obaveznog zdravstvenog osiguranja za 2026. godinu ("Službene novine TK" broj: 17/25).

III


Nakon proteka Zakonom predviđenog roka, te dobijanjem Saglasnosti Ministarstva zdravstva Tuzlanskog kantona za zaključivanje Okvirnog sporazuma i usvajanjem Odluke Upravnog odbora Zavoda zdravstvenog osiguranja TK o davanju saglasnosti na zaključivanje Okvirnog sporazuma, ovaj Ugovorni organ će sa izabranim ponuđačima zaključiti Okvirne sporazume o pružanju usluga produžene medicinske rehabilitacije za 2026. godinu.

IV

U skladu sa članom 70. stav (6) Zakona o javnim nabavkama BiH, ova Odluka će biti objavljena na internet stranici Ugovornog organa istovremeno sa upućivanjem svim učesnicima u predmetnom postupku.

V

Ova Odluka stupa na snagu danom donošenja.



OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH", broj: 39/14, 59/22 i 50/24), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2026. godinu ("Službene novine TK" broj: 17/25), člana 12. Statuta Zavoda zdravstvenog osiguranja Tuzlanskog kantona ("Službene novine TK" broj: 4/16) i Saglasnosti Ministarstva zdravstva TK broj: 13/1-33-035011/25 od 24.11.2025. godine, objavljen je Javni poziv za dostavu ponuda za ugovaranje produžene medicinske rehabilitacije za 2026. godinu. U sistemu javnih nabavki Objavljeno je obavještenje o nabavci usluge iz Aneksa II broj: 793-9-2-8-22-70/26 od 03.06.2026. godine.

Predmet nabavke su usluge produžene medicinske rehabilitacije za 2026. godinu.

Procijenjena vrijednost nabavke iznosila je 1.749.125 KM.

Kriterij za odabir ponuđača je najniža ponuđena cijena.

Maksimalna cijena BO dana iznosi 127,79 KM.

Javni poziv bio je otvoren do 15.06.2026. godine.

Ponude su dostavljene od strane ponuđača:

- JZU Centar za fizikalnu medicinu, rehabilitaciju i banjsko liječenje „Ilidža“ Gradačac i
- Zdravstvena ustanova Lječilište „Banja Terme Ilidža“ Sarajevo.

Nakon evaluacije ponuda sačinjen je Zapisnik o otvaranju, pregledu i ocjeni ponuda broj: 03-11-1-2334-22/26 – JH/SA od 01.07.2026. godine, koji sadrži sve elemente i obrazloženja u vezi pregleda i ocjene ponuda dostavljenih u predmetnom postupku javne nabavke.

Postupajuća Komisija je dala Preporuku Ugovornom organu da se Okvirni sporazumi o pružanju produžene medicinske rehabilitacije za 2026. godinu, dodijele ponuđačima iz tačke I ove Odluke.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

U postupku je procijenjeno da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima i Javnim pozivom.

Cijeneći naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od 10 dana od dana prijema ove Odluke.

Dostavljeno:

1. Ponuđačima (e-mail)
2. a/a



DIREKTOR

Doc. dr. sc. Denis Husić, dipl. pravnik